

A R E M U N D A

Non disisperes Remunda
Ispera in su Criadore
Si has potente su dolore
Issu, hat de salute un'unda
 Chie disisperat morit
 Cun su coro avvelenadu
 Est un'orrendu peccadu
 Chi sa virtude iscolorit
 E in s'istante isfiorit
 Sa fide vera e profunda
 Gai, cale pedra tunda
 In s'abb'a s'inferru falat
 E a Giuda s'aggualat
 Non disisperes Remunda!

Lea in manos su rosariu
Sa mesus pregadoria
Gai su fisu e Maria
Su martir'e su calvariu
T'had'a dare nezessariu
Coraggiu in tantu rigore
Ispicchende unu fiore
Da-e sas ispinas suas
Balsamu a sas penas tuas
Ispera in su Criadore
 Tranquilla e calma t'ista
 Pro sos divinos aggiudos
 Si dat sa limb'a sos mudos
 E a sos zegos sa vista
 Tue puru ses in lista
 De-i cuss'immens'amore
 Chi su mundu peccadore
 In sa rughe hat redimidu
 Mira cant'Issu hat patidu
 Si has potente su dolore

Cun su coro assussegradu
Ama s'eternu cunfortu
Lazzaru puru fit mortu
E fit tant'ora interradu
Ma daghi Mart'hat pregadu
Torrat felix'e giocunda
Ca da sa fossa profunda
Biu su frade ndi essit
Deu a tottu resessit
Issu hat de salute un'unda
 Non disisperes Remunda
 Ispera in su Criadore
 S'has potente su dolore
 Issu, hat de salute un'unda

Andria Ninniri

Ninniri Andria

Epini